

# 1 TESALONICENSES

## 1 Tesalonicensesdih jwí tui beh joyát pínah naáwát

**¿Déhe tiguaá daácniji?** Pablo, Dios ã jib bohéát túttni nin núodih át daacáp wut jī. Pablo ded pah á jumatdih chah jéihfna, Romanosdih jwí tui beh joyát pínah naáwát dih ñi enéé.

**¿Detdih át daácji?** Tesalónica tútchidih moón Jesúfhwádih nin núodih át daacáp wut jī. Tesalónica tútchi tui búdí jélit jum, Macedonia baáboó chah búdí tútchi jumna, jwíih jumni tútchi wut jī. Pablo caán tútchidih moondíh bohé jwíihna, judíowā í mífic wáacap muúboó át bohénap wut jī. Pánihna, caán tútchidih moón Jesús dih jwíih jepahnit, judíowā ít jumap wut jī. (Hch 17.1-9) Obohjeéhtih, túttimah, chah dawá judío nihcannitbut Jesús dih ít jepahap wut jī. Pánihna, Pablo queétdih á daác wah láa, Jesúfhwā chah dawá judío nihcannit ít jumap wut jī. (1.9-10; Hch 17.4)

**¿Dedmant, débólih cah, át daácji?** Chah jéihnit “Pablo Tesalónica tútchimant bohéniji (Hch 17.1-9) Berea tútchimantbut á bejat túttimah, Atenas tútchina maátcanjeh jumni Corinto tútchiboó át jwíibínap wut jī. Caánboó jumnit, Tesalónicadih moón Jesús dih jáap jepahnitdih át daác wahap wut jī. Pánihna, jópchi 51 (Jesús á wunat túttimah 18 jópchi túttimah) nin núodih át daacáp wut jī”, í niíf jenah joiná caá.

**¿Dedé pínah tiguaá át daácji?** Pablo Corinto tútchiboó á jumuchah, Silas Timoteojih caandíh jwáub jwááhnit, Tesalónicadih moón Jesúfhwā ded pah í chájatdih Pablodih ít naáwáp wut jī. Pablo Tesalónica tútchidih moondíh maátcanjeh bohénit, caandíh mawíhmitdih át jwei béjep wut jī. (Hch 17.5-10) Pánihna, queéé jáap jéihnitdihbut buwat á jwáuwúchah jéihnit, Pablo queétdih weñafna, (3.3-5) ded pah í tui chájat pínahdih jéihyafna, (4.1-8) ded pah Jesúfhwā wunnit í yapat pínahdih jéihyafna, (4.13—5.10) nin núodih át daác wahap wut jī.

Ded pah 1 Tesalonicenses á jumat:

1. Queétdih á daác jwíihat (1.1-10)
  - a. Queétdih á táyat túttat (1.1)
  - b. Queétdih “Túini caá”, Diosdih á niíf wúbát (1.2-10)
2. Pablo Tesalónica tútchidih moónjeéh ded pah á jumatji (2.1—3.13)
  - a. Jesucristo á bohé jibat túttni á jumat (2.1-16)
  - b. Queétdih jwáub enedih á bejíhat (2.17-20)
  - c. Timoteo queétdih á teo wáacat pínah niijná, á wahat (3.1-10)
  - d. Queétdih á wúbát (3.11-13)
3. Ded pah queéé í jumat pínah (4.1—5.24)
  - a. Dios á weñat pínahdih ded pah í chájat pínah (4.1-12)
  - b. Jesucristo á jwáub dei jwáuwát pínah (4.13—5.11)
  - c. Ded pah í jenah joyát pínah (5.12-24)
4. Á péé wúbát, queétdih á táyat túttat (5.25-28)

### Pablowā queétdih í táyat túttat

**1** <sup>1</sup>Weém Pablo, yeéb Tesalónica tútchidih moón jwí íp Dioíhwā, jwí Maáh Jesucristoíhwābut ñi jumuchah, nin núodih bíhdih daacát

túttnit, yeebdíh wā wahna caá. Weém, Silvano, Timoteojih, jwíit bíc peihcannit yeebdíh búdí jwí táyat túttatna caá. Jwí íp Dios yeebdíh oinit, á teo wáaca naáh, ñi tui jumat pínah niijná.\*

\* 1.1 Hch 17.1

**Tesalónicadih moón  
ĩ tũut nũumát**

<sup>2</sup>Diosdih uúbhna, “Míih Tesalónicadih moón ĩ tũut nũumátji ā tũina caá, Paá”, jwĩpĩ niijná caá. <sup>3</sup>Yeebdíh náhninit, Diosdih nin pah jwĩ niij uúbhna caá: “Paá, míih Tesalónicadih moón meemdíh tũi jenah jointit, ma weñat pínahdih ĩpĩ chájna caá. Meemdíh oinit, bitadibhũt oina, queétdih ĩpĩ tũi teo wáacna caá. Jesucristo ā jwũub dei jũúwát pínahdih tũi wēi páinit, meemdíh ĩ cádahcan caá”, jwĩ niijná caá. Páant ñi jummatdih búdí wēinit, Diosdih “Tũina caá, Paá”, jwĩpĩ niijná caá. <sup>4-5</sup>Jwĩ déewā panihnitá, Jesucristoĩh tũini doonádih yeebdíh naóhna, oboh jumni naáwát nihcan jĩ. Obohjeéhtih, Tũini Espiritu ā wēpatjih yeebdíh jwĩ naáwáp jĩ. Páant jwĩ naáwáchah, Tũini Espiritu yeebdíh ā teo wáacap jĩ, jwĩ naáwátđih jointit, ñi jepahat pínah niijná. Páant ñi jepahachah, Dios yeebdíh oinit, áihwā pínah ā níwatdih jwĩ jéihna caá. Nijeéh jumnit, yeebdíh jwĩ tũi teo wáacatjidih yeebbút ñi jéihna caá.

<sup>6</sup>Nijeéh jumna, ded pah jwĩ chājatjidih ennit, jwĩ Maáh Jesucristo ded pah ā jumatji doonádihbũt jéihnit, yeebbút bíic yoobó ñi chájna caá. Jesúh tũini doonádih joihcan ijina, bita yeebdíh yeejép ĩ chājachah yũhna, Tũini Espiritu yeebdíh ā teo wáacachah, yeéboó wēinit, Diosdih ñi tũi joyóp jĩ.\* <sup>7</sup>Páant ñi jummat doonádih jointit, nihāt ñíih baác Macedonia baácđih moón, nin baác Acaya baácđih moón Jesúhwa ñi jummat pah mũntih tũut nũumná caá ĩ chājap. <sup>8</sup>Pánihna, jwĩ Maáh Jesúh doonádih jepahnit, ñi tũi tũut nũumátji doonádih jointit, bitabũt jwĩ Maáhdih ĩt jepahap wũt jĩ. Níih baácđih moón, Acaya baácđih moonjéhbũt nihcan, nihāt baácđih moón Diosdih ñi tũi jepahat doonádih ĩt joyóp wũt jĩ. Nĩ wũt yána caá. Jwiítboó ñíih doonádih queétdih jwĩ naóh jwũhcah, queét játih ĩtát joyóp tabe. <sup>9</sup>Pánihna, ñi tũut nũumát doonádih jwĩ naáwát déedih, yeéb jwiítđih wēi

jwááhnit, ñi tũi joyátjidih ĩpĩ jwááh naáwáp jĩ. Nĩ pápninadih uúbh cádahnit, Dios yoobátđihjeh wēi uúbhnit, ā wũtatđih ñi tũi jepahatjidihbũt ĩpĩ naáwáp jĩ. <sup>10</sup>Dios wáúh jeámant ā jwũub dei jũúwát pínahdih ñi tũi páñatdihbũt ĩpĩ naáwáp jĩ. Caán Jesús wũnnijidih yũhna, Dios át boanap tajĩ. Caan tĩgáá Dios yeejép yoobát ā peéh chājat déedih jwiítđih ā tũi uəna caá.

**Tesalónicadih jumna,  
ded pah Pablo ā jumatji**

**2**<sup>1</sup>Nijeéh jumna, yeebdíh jwĩ bohénachah, tũi wēi jointit, ñi jepahap jĩ. Páant ñi jepahachah, jwĩ tewat oboh jumni nihcatdih ñi jéihna caá. <sup>2</sup>“Pablowā jwiítđih enedih ĩ jũúwát pínah játih, Filipos tũtchiboó ĩ bohénachah, ĩijnit, caán tũtchidih moón queétdih yeejép ĩ chājap jĩ”, yeéboó ñi niij náhnina nacaá. Obohjeéhtih, Filiposdih moón jwiítđih yeejép ĩ chājachah yũhna, éumcanjeh, Jesúh doonádih yeebdíhbũt naáwádih jwĩ jwiibnap jĩ. Biquína níih tũtchidih moón maáta jwiítđih ĩ naóh cádahat tũutuchah yũhna, Dios ā teo wáacatjih Jesúh doonádih yeebdíh jwĩ tũi naáwáp jĩ.\* <sup>3</sup>“Pablowā yoobópđih ĩ naóhcan caá. Yeebdíh pánih bohéna, queétdih ñi weñat pínahdihjeh ĩ bidna caá”, biquína ĩ niij yeena caá. <sup>4</sup>Obohjeéhtih, Dios jwĩ jenah joyátđih jéihni nin pah ā niij naáwáp jĩ: “Jesúh tũini doonádih ĩ naáwát pínah niijná, Pablowádih wā wahbipna caá”, ā niijp jĩ. Pánihna, caandih naóhna, “Pablowā tũi chājnit caá”, bita ĩ niij jenah joyát pínahdih jwĩ bidcan caá. Diosboó “Ĩ tũi chájna caá”, ā niiját pínahdihjeh bidnit, Jesúh doonádih jwĩ naáwáp jĩ.\* <sup>5</sup>Pánihna, yeebdíh naóhna, tũini niiját pah niijcán, níih bíi déedih náahcan, ded pah jwĩ bohéatjidih ñi jéihna caá. Diosbũt páant jwĩ chājatjidih ā jéihna caá. <sup>6</sup>“Pablowā chah jéihnit caá”, yeéb, bitabũt ñi niij jenah joicát pínah niijná, yeebdíh jwĩ bohénap jĩ. <sup>7</sup>Jesucristoĩh tũini doonádih yeebdíh naáwát tũutna, Dios ā wahnit jumna, yeebdíh búdí jwĩta

\* 1.6 Hch 17.5-9 \* 2.2 Hch 16.19-24; 17.1-9 \* 2.4 Gá 1.10

jéih wut tagaá. Obohjeéhtih, pánih wutcan, búdí oinit, चाह्जeh bohéna, yeebdíh jwí yóhacp jī. Nomanih mi wēúhdih túinijeh mi en dawap pah yeebdíh jwí bohénap jī. <sup>8</sup>Yeebdíh búdí oinit, wēina, nihat yeó jáap jumap pah túini doonádih jwí naáwáp jī. Bitá jwiítidih ī mao yohíhatdih jéihna yuhna, yeebdíh jwí teo wáac cádahcap jī. <sup>9</sup>“Jwíjeéh ī jum láa, íih bách ā chūnáchah yuhna, búdí ī tewep jī”, ñi niíj náhnina nacaá. “Baáb jéenap pínah játih teo jwíhñit, púú nihat yeó jáap teo táah bejnit, chei tac yoob póhba ípí teo cádahap jī. Pánihna, Dioíh túini doonádih naóhñit, jwiítidih tac buégáfñan, ī jeémát pínahdih jīb chájat túnt niijná, búdí ī tewep jī”, ñi niíj jéihna caá.\*

<sup>10</sup>“Jwíjeéh jumna, Dios ā weñat pínahdihjeh chájñit, ī túi jumap jī”, ñi niíj jéihna caá. Diosbut caandíh ā jéihna caá. Pánihna, bita “Pablowā yeejép ī jumap jī”, ī jéih niijcán caá. <sup>11-12</sup>“Jwiít nihatdih túinijeh ī bohénachah, jwí túi joyóp jī. Biquínadihbut jwiítidih ī naáwáp jī. Ded ā wehdih ā túi bohéat pah jwiítidih ī túi naáwáp jī. Dios ā weñat pínahdih ded pah jwí chájat pínah niijná, búdí ī bohénap jī”, ñi niíj jéihna caá. Dios yeebdíh át níwip wut jī, áihwā jumñit, ájeéh ā maáh jumapboó ñi jumap pínah niijná. Páant yeebdíh jwí bohéatjidihbut ñi quíib buédcán nacaá.

<sup>13</sup>Pánihna, yeebdíh jwí naáwátidih ñi túi jepahachah náhninit, búdí wēinit, “Túina caá, Paá”, Diosdih jwíípí niijná caá. Á naáwátidih yeebdíh jwí bohénachah, nin pah ñi niíj jenah joyóp jī: “Í jenah joyátjñihjeh naóhna ī chájcan caá. Dios naáwát yoobát jwiítidih bohéna caá ī chájap”, ñi niíj jenah joyóp jī. Pánih jenah joiná, caán naáwátidih joinít, Jesúsdih jepahna, túiniboodíh túnt nūmná caá ñi chájap. <sup>14</sup>Judea baácdih moón Dioíhwā ī jumap pah yeebbút bíic yoobó ñi jumna caá. Dios ā wahní Jesucristodih queét ī jepahat jīb, íih baácdih moón judiowā, queétdih yeejép ī chájap jī. Pánihat pah muntih, yeebbút

Jesúsdih ñi jepahat jīb, íih baácdih moonjéh yeebdíh yeejép īt chájap taga.\* <sup>15</sup>Queét judiowā jon játih Dios naáwátidih naóh yapanitjidih yehna niijnít, īt mao yohop tají. Táltimah, jwí Maáh Jesucristodihbut īt mao yohop tají. Táltimah, Dios naáwátidih ñi joicát pínah niijná, jwiítboodíh íih tétchímant ī bacanap jī. Pánih chájna, Diosdih búdí íijanít, nihat cáacwádihtut ī eníhcan caá.\* <sup>16</sup>Judiowā nihcannit iiguipna ī bejat déedih náahcan, Jesúsíh doonádih naáwátidih jwí bejehchah, judiowā jwí naáwátidih ī jáhíhip yuh jī. Pánihna, Diosdih yehna ī niiját jīb, íijnít, Dios queétdih búdí ā peéh chájipna caá.

#### Pablo Tesalónicadih moondíh ā jwúub eníhat

<sup>17</sup>Yeebdíh wā cádah jūúwúchah, wíih caolih níjeéh ā páñap be. Maátcanjeh níjeéh wiñcan yuhna, yeebdíh búdí jwí bidip be. <sup>18</sup>Pánihna, búdí oina, yeebdíh enedih jwí jwúub bejñihp yuh be. Weemjéh dawá láa yeebdíh búdí enedih wā bejñichah yuhna, Satanás jwí jib bejatdih ā jáhap jī. <sup>19</sup>Yeebdíh Jesúsíh doonádih jwí naáwáchah, ñi túi joyátjidih náhninit, búdí jwí wēina caá. Jwí Maáh Jesús ā jwúub dei jūúwúchah, ñi jepahatjidih jenah joinít, búdí wēina, “Jwí naóhñijí túini doonádih ī túi jepahap jī”, Jesúsdih jwí niíj naóhñipna caá. <sup>20</sup>Pánihna, yeebdíh jwí naáwáchah, ñi jepahatjí jīb, jwí Maáh jwiítidih ā wēi naáwátidih jéihñit, jwiítbut búdí jwí wēina caá.

#### Timoteodih ā wahat

**3** <sup>1-2</sup>Pánihna, yeebdíh búdí náhní dahwanit, yeebdíh ā enat pínah niijná, Timoteodih ñi pebhna jwí wah bojop be. Caán jwí úud panihni, weemdíh pej jumni, Cristoíh túini doonádih ápí naáwáp jī. Diosjeh caandíh ā wahachah, weemdíh búdí ā teo wáacp jī. Pánihna, yeebdíh ā bohéat pínah niijná, ñi pebhna caandíh wahnijí, Atenas tétchiboó bíicjeh wā páñap jī.\* <sup>3</sup>Jesúsdih

\* 2.9 Hch 18.3; 2Ts 3.8 \* 2.14 Hch 17.5 \* 2.15 Hch 9.23,29; 13.45,50; 14.2,5,19; 17.5,13; 18.12 \* 3.1-2 Hch 17.15

ñi jepahatji júb bita yeebdíh yeejép ĩ chájachah yahna, Diosdih ñi cádahcat pínah niijná, yeebdíh wá bohéat túutap jĩ. “Jesucristodih jwĩ jepahachah, jwĩ túut ñumátdih íjnit, áihwá nihcannitboó jwiítdih yeejép ĩ chájbpina caá”, jwĩ níj jéihna caá. <sup>4</sup>Nijeéh jumna, páant jwĩ yapat pínahdih dawá láa yeebdíh jwĩ naáwáp jĩ. Bwú jwĩ naáwátji pah á yapatdih ñi jéihna caá. <sup>5</sup>Pánihna, ded pah ñi jumatdih búdí jéihhna, Timoteodih wá wahap jĩ. “Nemépwá ĩ maáh queétdih á yee naáwáchah, ¿queétdih caandíh yehna ĩ niijná níit? Yehna ĩ niijcáh, nihat conboó jwĩ bohéat búdí jwĩ tewatji bwúdní á jumbipna caá”, wá níj jenah joyóp jĩ.

<sup>6</sup>Bwú Timoteo, ñi pehbhoó juibíniji, á jwúub juyáp jĩ. Jwúub jwinít, “Nihat Tesalónica tátdihidih moón meemdíh búdí ĩ túyat túutap be. Queét Dios naáwátidih túi joiná beé ĩ chájap be. Túi joinít, Diosdih búdí oinit, ĩ míic túi oina beé. Yeebdíh náhninit, búdí wéinit, yeebdíh ĩ bidna beé. Yeéb queétdih bidnit, búdí enedih ñi bejíhat pah muntih, queétdih yeebdíh ĩ bidna caá”, weemdíh á níj naáwáp jĩ. <sup>7</sup>Páant á níj naáwáchah, yeebdíh jwĩ náhni dahwaat á yayáh bejep jĩ. Yeéb Dios naáwátidih jepahnit, ñi túi jumat doonádih joinít, bita jwiítdih yeejép ĩ chájachah yahna, búdí jwĩ wéina caá. <sup>8</sup>Yeéb jwĩ Maáh Jesúsdihi ñi túi péenachah, jwíh caolih búdí á wéina caá. <sup>9</sup>Pánihna, “Paá, ma teo wáacatjih queét Jesúsdihi ĩ túi péeatdih jéihna, búdí wá wéina caá. Páant weemdíh ma weñaat á túina caá”, Diosdih wá niijná caá. <sup>10</sup>Pánih wéinit, yeó jáap, cheibut Diosdih búdí jwĩ úbhna caá, yeebdíh enat túutna, jwiítdih á wahat pínah niijná. Yeéb Jesúsdihi ded pah ñi túi chájat pínahdih beh joyát yeebdíh páantjeh á jwdhduchah, ñi pebhna jwúub bohénadih jwĩ bejñna caá.

<sup>11</sup>Yeebdíh jwúub enedih jwĩ bejat pínah niijná, Satanás á jáhat panihatdih ĩ yohat pínahdih jwĩ íp Diosdih, jwĩ Maáh Jesucristodihbút búdí jwĩ úbhna caá. <sup>12</sup>Pánih úbhna, jwĩ Maáh yeebdíh á teo

wáacat pínahdih jwĩ úbhna caá, chah míic oinit, nihatdihbút ñi oyat pínah niijná. Pánihna, yeebdíh búdí jwĩ oyat pah muntih, yeebbút biic yoobó ñi oyat pínahdih wá náah yacna caá. <sup>13</sup>“Paá, queétdih ma túi teo wáacá, ma weñat pínahdihjeh ĩ chájat pínah niijná”, jwĩ níj úbhna caá. Páant á teo wáacachah, jwĩ Maáh Jesucristo nihat áihwájeéh jwúub dei júhniit, Jesús jwĩ íp Diosdih nin pah á níj naóhbipna caá: “Queét túinit ĩ jumuchah, queétdih dedé peéh chájat pínah á wihcan caá”, á niijbípna caá.

#### Dios á weñat pínahdih ded pah ĩ chájat

**4** <sup>1</sup>Bwú biíh bohéatdih yeebdíh jwĩ naáwát túut caá. Nijeéh jwĩ jum láa, Dios á weñat pínahdih ded pah ñi chájat pínahdih jwĩ bohénap jĩ. Páant jwĩ bohéatjidih ñit quíib bwúdcáp taga. Páant ñi chájat chah ñi túi jepahatdih yeebdíh búdí jwĩ náah yacna caá.

<sup>2</sup>Jwĩ Maáh Jesucristo ded pah á wutatjidihjeh yeebdíh jwĩ naóh yapaatdih ñi túi jéihna caá. <sup>3</sup>Nin pah ñi jumat pínahdih Dios á náah yacna caá: Diosdih jepahcannit ĩ jumat pah yeebbút ñi jumca bojoó. Ñi áa nihcannitjih yeejép ñi chájca bojoó. <sup>4</sup>Dios á enechah, cáacwábút ĩ enechah, ñi túi áa jumúú. Pánih áa jumnit, mijeéh ñi túi jumúú. <sup>5</sup>Diosdih jéihcannit ĩ áa nihcannitjih ípí metna caá. Obohjeéhtih, yeéb Diosdih jéihnitboó páant ñi chájca bojoó. Ñi weha mána yaádhjeéh túinijeh ñi jumúú. <sup>6</sup>Mijeéh bóojeéh jumnhidih ñi dúuc wái metca bojoó. Dios nihat ñi chájatdih jéihnit, páant ñi chájat júb búdí á peéh chájbpina caá. Jon ñi pebh juibínitji caandíh búdí jwĩ bohénap jĩ. <sup>7</sup>Dios jwiítdih íf náah chájatdih wutcan, túinijeh jwĩ jumat pínahdih át wutap wut jĩ. <sup>8</sup>Butéh wá naáwátidih weemjéh wá wutat niican beé. Dios yeebdíh páant á wutatdih wá naóh yapanap be. Pánihna, ded caandíh yehna niijná, weemdíh niican, Diosboodíh á yap yohna caá. Caán caá Túini Espíritudih yeebdíh wáhni.

\* 3.6 Hch 18.5

<sup>9-10</sup>Бuu míc oyatdih yeebdíh bainí wā naáwát tút caá. “Ñi míc oyoó”, Dios ā niíf wutatdih joinítji caandíh táí jepahna caá ñi chājap. Pánih jepahna, nihát ñíih baác Macedoniadih moón Jesúfhwádih yeéb ñi táí oina caá. Pánih míc oinit, chah míc teo wáacnit ñi jumúú.

<sup>11-12</sup>Pánih míc oina, bícdih táinijeh ñi jumúú. Míc jūihcanjeh, bitadih yeejép táoh naóhcan, bita ī tewatdih túbit ñi en naóhca bojóo. Yabhcanejeh, ñi túi teweeé. Pánih teonit, bitafh bíí déedih, íih jeémátdihbut túbit ñi uábh tac buugáca bojóo. Pánih wutatdih jáantjeh yeebdíh jwí naáwáp jī. Caandíh ñi jepahachah, Diosdih jéihcannitboó yeebdíh ennit, “Queét táí chājnit caá”, ī niijbípna caá.

**Jesucristo ā jwúub dei jūúwáchah,  
ded pah ā yapat pínah**

<sup>13-14</sup>Бuu, jwí déewā panihnitá, Jesúfhwā ī wunuchah, ded pah ī yapat pínahdih yeebdíh jwí naáwát tút caá, túbit ñi jígahcat pínah niijná. Jesucristo ā wnat túttimah, Dios caandíh át jwúub boonanap tajī. Caan páh muntih jwiít áihwā jwí wnat túttimah, jwiítidihbut ā jwúub boonachah, Jesús ā jumapboó ájeéh jwí táí jumbípna caá. Páant jwí yapat pínahdih ñi táí náhninaá. Pánih náhninit, Jesúfhwā, ñi oinit ī wnat túttimah, ñi bidna yuhna, túbit ñi jígahca bojóo. Bitá Jesúsdi h jepahcannit, Jesúsjeéh ī wihcan níit. Pánihna, ī oinit ī wnat túttimah, ī jwúub míc encat pínahdih jéihna, búdí jígahnit, ī moh yéejna caá. Obohjeéhtih, Jesúsdi h jepahcannit ī jígahat pah yeéb ñi jígahca bojóo.

<sup>15</sup>Nin pah Jesúsje h ā naáwátjidih yeebdíh jwí naóh yapana caá: “Queét wíihwā wunnitji ī boo pud jūúwát pínah játi h, wuncannit ī waóh páuh laab béj páican níit”, Jesús át niijíp wat jī.  
<sup>16-17</sup>Nin pah ā yapbipna caá: “Ñi páuh laab jūúwá”, Jesús ā niíf ejatdih, ángelwā ī maáh búdí ā ejatdihbut jwí joibípna caá. Dios ā wúhni póojat nahjīh ángelwā ī maáh ā póojochah, jwí joibípna caá.

Páant ā yáanachahjeh, jwí Maáh Jesucristo ā jwúub dei jūóhbi pna caá. Páant ā dei jūúwáchah, áihwā wunnitji, Jesús ā boo pud jūúwátji pah muntih, ī boo pud jūóhbi pna caá. Queét ī boo pud jūúwáchah, jwiít áihwā wuncannit, jjeéh wáac juibínit, wépép páuh laab béjnit, mah tólihna nihát bíicdih jwí Maáh Jesúsdi h jwí jwááhbi pna caá. Pánihna, jwiít nihát bíicdih Jesúsjeéh páantjeh jwí jumbipna caá. \* <sup>18</sup>Pánihat pínahdih jéihnit, yeéb bitadihbut jwúub naóh yapanaá, Jesúfhwā wunnitdih túbit ī jígahcat pínah niijná.

**5** <sup>1-2</sup>Бuu, wā déewā panihnitá, Jesúfhwā wunnit ded pah ī yapat pínahdih ñi jéihna caá, buca.

Obohjeéhtih, débólih Jesucristo ā jwúub dei jūóhni yeó jáap pínahdih jwiít cáacwā jwí jéihcan caá. “Náhnica h, nunní ā juyát pah jwí Maáh Jesucristo ā jwúub dei jūóhbi pna caá”, yeebjéh ñi niíf jéihna caá. Páant ñi jéihyechah, wā jwúub naóhcan níit. \* <sup>3</sup>Diosdi h jepahcannit nin pah ī niijbípna caá: “Бuu túini láa caá. Cáacwā ī míc maocah, úumcanjeh, jwí táí jumna caá. Yeejép yapat jwiítidih ā wihcan níit”, ī táoh niijbípna caá. Páant ī niijíchahjeh, caandíh ī jepahcatji jūib, Jesús peéh chājadi h ā jwúub dei jūóhbi pna caá. Yaádh ī weép jáaat dée pah ā jumbipna caá. Wude jumnih mi weép jáanachah, caán tibatdih mi jéih jweicán caá. Pánihat pah Jesucristo ā jwúub dei jūúwáchah, caandíh jepahcannitji ī yeejat jūib ī jéih jweicán níit. \* <sup>4-5</sup>Obohjeéhtih, wā déewā panihnitá, yeebboó dwpánap panihhipboó jumcan, baabáp panihhipboó ñi jumna caá. Jesúsdi h jepahcannit, bita ī encat pínah niijná, dwpánapboó yeejép ípi chājna caá. Obohjeéhtih, yeéboó páant ñi chājcan caá. Pánihna, náhnica h nunní ā waád juyát pah, Jesús ā jwúub dei jūúwáchah, ñi wúhi bejcan níit. Yeebdíh peéh chājadi h jūóhna ā chājcan níit. <sup>6</sup>Jwiít Jesúfhwā jumna, caandíh jéihcannit ī chājat pah jwiítidih chājcat caá náahap. Éonit panihnit jumna, ded

\* 4.15-17 Mt 24.30-31; Mr 13.26-27; 1Co 15.51-52 \* 5.1-2 Mt 24.43; Lc 12.39; 2P 3.10  
\* 5.3 Is 13.8

pah nin baáboó ā yapatdih queét ī jéihcan caá. Obohjeéhtih, jáanit panihnit, “¿Dios ā weñat pínahdih chājat túut niijná, ded pah wā chājbi?” niǵ jenah joyát caá jwítdih náahap. “Waícanjeh Jesucristo ā jwúub dei jǵóhbiḡna caá”, niǵ náhninit, túi chājat caá náahap. <sup>7</sup>Jesúsdih jepahcannit, dupéat panihpboó jumna, ũonit panihnit caandíh ī joicán caá. “Jesús ā jwúub dei jǵóhcan niit”, niǵ jenah joinít, ī weñat pínahdihjeh chājnit, ípí babh máihna caá. <sup>8</sup>Obohjeéhtih, jwíft baabáp panihpboó jumnitdih Dios naáwátđih túi jenah joyát caá náahap. Á weñat pínahdih jenah joinít, yeejép chājcat caá náahap. Soldado míc mawadih bejna, itah wao chá páha páahnit, áih bácahdih jáhat pínah niijná, itah chóodihbut áih tacamant ápi đwoná caá. Pánihna, soldado ā míc jáhat pah, jwíft Jesúhwardihbut míc jáhat caá náahap. Obohjeéhtih, jwíh bácahdihjeh pohba jáhatdih niijná wā chājcan caá. Jwíh caolihdih jáhatdih niijná caá wā chājap. Nin caá jwíh caolihdih jwí jáhat pínah: Jesucristodih túi jenah joinít, Diosdih cáacwáđihbut túi oyat caá caolihdih jáhat ā jumap. “Jesús wā yeejatdih yohnit, weemdíh ájeéh ā ub bejbipna caá”, niǵ jenah joyátbut caolih jáhat ā jumna caá. Pánih jáhnit panihnit jumna, Satanás jwíftđih ā yeejat túutuchah, caandíh jwí jéih yap yohna caá. \* <sup>9-10</sup>Jesucristodih jepahcannit bícdih Dios jwíftboodíh át peéh chājfhcap wut jī. Obohjeéhtih, áihwā jwí jumat pínah niijná, jwí yeejat jīb, jwí Maáh Jesucristo jwíftđih át wun wúhup wut jī. Pánihna, jwíft áihwā jumnit, nin baáboó páantjeh jumna, wunna yahna, nihat bícdih ájeéh jwí túi jumnipna caá. <sup>11</sup>Caandíh náhninit, Jesúsdih ñi túi jenah joyát pínah, ñi jepahat pínahdihbut páantjeh ñi míc teo wáacá.

#### Pablo queéđdih bíh ā wutat

<sup>12-13</sup>Buu yeebdíh bainí wā jwúub naáwát túut caá, páant munth. Ñijeéh jumnit Dios naáwátđih yeebdíh ī

bohénachah, ñi túi joyoó. Yeebdíh bohéat pínah niijná, Diosboó queéđdih ā wutuchah, yeebdíh bohénit, búdí ī teona caá. Pánihna, queéđdih oinit, ñi túi jepahaá. Yeebút míc oinit, bícdih ñi túi jumú.

<sup>14</sup>Yabhnitdih ñi tewat túutú.

Ūmmnitdih, jǵgahnitdihbut ñi weñanaá. Wēpcannitdih ñi túi teo wáacá. Bitadih yójahcan, íjeéh ñi túi jumú.

<sup>15</sup>Yeebdíh yeejép chājnitdih ñi yeej chā jwúubaca bojó. Nihatdih túi chājnit, bícdih ñi túi jumú.

<sup>16</sup>Ded pah yeejép yapna yahna, Diosdih túi jenah joinít, páantjeh ñi weñeé.\* <sup>17</sup>Caandíh ñi úbh cádahca bojó. <sup>18</sup>Yeó jáap jummat pah “Túina caá, Paá”, Diosdih niijnít ñi jumú. Túi yapna, yeejép yapna yahna, bíc yoobó “Túina caá, Paá”, niijnít ñi jumú. Pánihatdih Dios yeeb Jesúhwardíh ā náah yacna caá.\*

<sup>19</sup>Túini Espíritudih túi jepahnit, ded pah ā teo wáacatđih ñi jáhca bojó.

<sup>20</sup>Detđih Túini Espírítu ā naáwáchah, queét ī naóh yafáfhichah, yeebboó joífhcannit pah ñi jumca bojó.

<sup>21</sup>Pánihna, nihat naáwátđih túi jenah joinít, ded túini, ded túicanni ā jumatdih ñi jéihyee. Pánih jéihna, túinidih jepahnit, ñi náhninaá. <sup>22</sup>Obohjeéhtih, túicanniboóđh, ñi joyáh bojó.

<sup>23</sup>Jwíft yeebdíh Dios ā túyatdih búdí jwí náah yacna caá. Pánihna, yeebdíh úbhna, “Paá, queét míhwardíh búdí ma teo wáacá, yeej chājatdih ī yap yohat pínah niijná. Meemdíh ī túi jenah joyát pínahdihbut teo wáacnit, queéđdih ma túi wapaá”, búdí jwí niǵ úbhna caá. Páant ā teo wáacachah, jwí Maáh Jesucristo ā jwúub dei jǵóhni yeó jáapdih yeeb áihwā túinit ñi jumnipna caá. <sup>24</sup>Diosjeh yeebdíh ñíonit, ā niǵátjti pah yeebdíh ā túut wúum péabipna caá.

#### Pablo ā pee túyat tútat

<sup>25</sup>Wā déewā panihnitá, jwíftdihbut búdí ñi úbú.

<sup>26</sup>Dios ā oyatjñi nihat Jesúhwardíh ñi túi míc úbú.

\* 5.8 Is 59.17; Ro 13.12; Ef 6.13-17 \* 5.16 Fil 4.4 \* 5.17-18 Fil 4.6; Col 4.2-7

<sup>27</sup>Jwī Maáh Jesús ā enechah, nin pah yeebdíh wā naóhna caá: Nin núodih ñi pebhna ī ɛb juibínachah, nihat caánboó jumnit Jesúíhwādh ñi tái en naáwá.

<sup>28</sup>Jwī Maáh Jesucristo yeebdíh oinit, ā tái teo wáaca naáh.  
Páant bóojeh tīgáá wā naáwát.  
Pablo